

伊尹汤液经

伊尹

文硕阁

wenshuoge.com

关于我们	4
辨脉法 简介	6
辨脉法 平脉法上	9
辨脉法 平脉法下	12
病不可发汗证第七：温病不可发汗， 伤寒不可下 不可发汗上篇上	16
病不可发汗证第七：温病不可发汗， 伤寒不可下 不可发汗上篇下	17
病不可发汗证第七：温病不可发汗， 伤寒不可下 不可发汗中篇上	18
病不可发汗证第七：温病不可发汗， 伤寒不可下 不可发汗中篇下	19
病不可发汗证第七：温病不可发汗， 伤寒不可下 不可发汗下篇上	20
病不可发汗证第七：温病不可发汗， 伤寒不可下 不可发汗下篇下： 此一篇共八条。千金翼方本悉无之。	21
病可发汗证第八 简介	22
病可发汗证第八 可发汗上篇	23
病可发汗证第八 发汗后中篇	25
病可发汗证第八 发汗后下篇	27
病不可下证第十一 简介	28
病不可下证第十一 不可下上篇	29
病不可下证第十一 不可下中篇	30
病不可下证第十一 不可下下篇上	31
病不可下证第十一 不可下下篇下	32
病可下证第十二 可下上篇：此篇论阳明温病。	33
病可下证第十二 可下下篇：此篇论寒温两感， 汗下双解之法。	35
发汗吐下后第十三 发汗吐下后上篇上	36
发汗吐下后第十三 发汗吐下后上篇下	38
发汗吐下后第十三 发汗吐下后中篇上	39
发汗吐下后第十三 发汗吐下后中篇下	40
发汗吐下后第十三 发汗吐下后下篇上：附差后劳复	41
发汗吐下后第十三 发汗吐下后下篇下：阴阳易	43
结胸痞第十四 结胸痞上篇	44
结胸痞第十四 结胸痞下篇上	47
结胸痞第十四 结胸痞下篇下	48
呕吐啰第十六 呕吐啰上篇	49
呕吐啰第十六 呕吐啰下篇上	50
呕吐啰第十六 呕吐啰下篇下：吐蛔	51
吐利第十七 吐利上篇	52
吐利第十七 吐利下篇	53

下利第十八 下利上篇	54
下利第十八 下利中篇上	55
下利第十八 下利中篇下	56
下利第十八 下利下篇	57
心下悸第二十二 心下悸上篇	58
心下悸第二十二 心下悸下篇	59
发黄第二十八 发黄上篇	60
发黄第二十八 发黄中篇	61
发黄第二十八 发黄下篇	62
风水皮水黄汗肺胀第三十 风水皮水篇	63
风水皮水黄汗肺胀第三十 黄汗篇	64
风水皮水黄汗肺胀第三十 肺胀篇	65
刚痉柔痉项背强第三十二 刚痉柔痉篇	66
刚痉柔痉项背强第三十二 项背强篇	68
咽痛第三十三 咽痛上篇	69
咽痛第三十三 咽病下篇	70

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

辨脉法简介

脉蔼蔼如车盖者，名曰秋脉也。秋脉，一作“阳结”，误。

脉累累如循琅玕者，琅玕，原误“长竿”。今改正。名曰夏脉也。夏脉，一作“阴结”，误。

脉瞥瞥如羹上肥者，阳气微也。

脉荣荣如蜘蛛丝者，阴气衰也。阴气，一作“阳气”，误。

脉绵绵如泻漆之绝者，亡其血也。

脉来缓，时一止复来者，名曰结。脉来数，时一止复来者，名曰促。一作“纵”。

脉阳盛则促，阴盛则结，此皆病脉。

阴阳相抟，名曰动。阳动则汗出，阴动则发热。形冷恶寒者，此三焦伤也。若数脉见于关上，上下无头尾，如豆大，厥厥动摇者，名曰动也。

阳脉浮大而濡，阴脉浮大而濡，阴脉与阳脉同等者，名曰缓也。

脉浮而紧者，名曰弦也。弦者状如弓弦，按之不移也。脉紧者，如转索无常也。

脉弦而大，弦则为减，大则为芤，减则为寒，芤则为虚，寒虚相抟，此名为革。

妇人则半产漏下，男子则亡血失精。

阳脉浮，一作微。阴脉弱，则血虚。血虚则筋惕。其脉沉者，荣气微也。其脉浮而汗出如流珠者，卫气衰也。荣气微，加烧针，血流不行，更发热而躁烦也。

脉浮而数，浮为风，数为虚。风为热，虚为寒。风虚相抟，则洒淅恶寒也。

诸脉浮数，当发热而洒淅恶寒。若有痛处，饮食如常者，畜积有脓也。

脉浮而大，心下反坚，有热。属脏者，攻之，不令发汗。属腑者，不令溲数。溲数则大便坚，汗多则热愈，汗少则便难。脉迟，尚未可攻。

脉浮而大，浮为风虚，大为气强。风气相抟，必成隐疹，身体为痒。痒者，名泄风

，久久为痼癩。眉少发稀，身有干疮而腥臭也。

脉浮而洪，身汗如油，喘而不休，水浆不下，形体不仁，乍静乍乱，此为命绝也。

又未知何脏先受其灾？若汗出发润，喘不休者，此为肺先绝也。阳反独留，形体如烟熏，直视摇头者，此为心绝也。唇吻反青，四肢皴习者，此为肝绝也。环口黧黑，柔汗发黄者，此为脾绝也。溲便遗失，狂言，目反直视者，此为肾绝也。

又未知何脏阴阳前绝？若阳气前绝，阴气后竭者，其人死，身色必青。阴气前绝，阳气后竭者，其人死，身色必赤，腋下温，心下热也。

脉浮而滑，浮为阳，滑为实，阳实相抟，其脉数疾。卫气失度，浮滑之脉数疾，发热汗出者，此为不治。

脉阴阳俱紧者，口中出气，唇口干燥，踡卧足冷，鼻中涕出，舌上胎滑，勿妄治也。到七日以来，其人微发热，手足温者，此为欲解。或到八日以上，反大发热者，此为难治。设使恶寒者，必欲呕也。腹内痛者，必欲利也。

脉阴阳俱紧，至于吐利，其脉独不解，紧去人安，此为欲解。若脉迟至六七日，不欲食，此为晚发，水停故也，为未解。食自可者，为欲解。病六七日，手足三部脉皆至，大烦而口噤不能言，其人躁扰者，必欲解也。若脉和，其人大烦，目重睑内际黄者，此欲解也。

脉浮而迟，面热赤而战惕者，六七日当汗出而解。反发热者，瘥迟。迟为无阳，不能作汗，其身必痒也。

问曰：脉有阴阳，何谓也？答曰：凡脉大、浮、数、动、滑，此名阳也。脉沉、涩、弱、弦、微，此名阴也。凡阴病见阳脉者，生。阳病见阴脉者，死。

问曰：脉有阳结、阴结者，此“脉”字。当是“病”字之讹。何以别之？答曰：

其脉浮而数，能食，不大便者，此为实，名曰阳结也，期十七日当剧。其脉沉而迟，不能食，身体重，大便反坚，名曰阴结也，期十四日当剧。

问曰：病有洒淅恶寒而复发热者，何？答曰：阴脉不足，阳往从之。阳脉不足，阴往乘之。曰：何谓阳不足？答曰：假令寸口脉微，名曰阳不足。阴气上入阳中，则洒淅恶寒也。曰：何谓阴不足？答曰：尺脉弱，名曰阴不足，阳气下陷入阴中，则发热也。

问曰：病有战而汗出，因得解者，何也？答曰：脉浮而紧，按之反芤，此为本虚，故当战而汗出也。其人本虚，是以发战；以脉浮，故当汗出而解也。若脉浮而数，按之不芤，此人本不虚。若欲自解，但汗出耳，不发战也。

问曰：病有不战而汗出解者，何也？答曰：脉大而浮数，故知不战，汗出而解也。

“知”字当衍。

问曰：病有不战、不汗出而解者，何也？答曰：其脉自微。此以曾发汗、若吐、若下、若亡血，以内无津液。此阴阳自和，必自愈，故不战、不汗出而解也。

问曰：伤寒三日；脉浮数而微，病人身凉和者，何也？答曰：此为欲解也，解以夜半。脉浮而解者，濇然汗出也；脉数而解者，必能食也；脉微而解者，必大汗出也。

问曰：假令病人欲差，脉而知愈，故以别之？答曰：寸、关、尺，大、小、迟、疾、浮、沉同等，虽有寒热不解者，此脉阴阳为平，复当自愈。

问曰：凡病欲知何时得？何时愈？答曰：假今夜半得病者，明日日中愈。日中得病者，夜半愈。何以言之？日中得病，夜半愈者，以阳得阴则解也。夜半得病，明日日中愈者，以阴得阳则解也。

辨脉法 平脉法上

问曰：脉有三部，阴阳相乘。荣卫血气，在人体躬。呼吸出入，上下于中。因息游布，津液流通。随时动作，效象形容。春弦秋浮，冬沉夏洪。察色观脉，大小不同。一时之间，变无经常。尺寸参差，或短或长。上下乖错，或存或亡。病辄改易，进退低昂。心迷意惑，动失纪纲。愿为缕陈，令得分明。师曰：子之所问，道之根源。脉有三部，尺寸及关。荣卫流行，不失衡铨。肾沉心洪，肺浮肝弦。

此自经常，不失铢分。出入升降，漏刻周旋。水下二刻，脉一周身。旋复寸口，虚实见焉。变化相乘，阴阳相干。风则浮虚，寒则紧弦。沉潜水溢，支饮急弦。

动弦为痛，数洪热烦。设有不应，知变所缘。三部不同，病各异端。太过可怪，不及亦然。邪不空见，中必有干。审察表里，三焦别分。知其所舍，消息诊看。

料度腑脏，独见若神。为子条记，传与贤人。

师曰：呼吸者，脉之头也。初持脉，来疾去迟，此为出疾入迟，为内虚外实。初持脉，来迟去疾，此为出迟入疾，为内实外虚也。

师曰：脉肥人责浮，瘦人责沉。肥人当沉，今反浮；瘦人当浮，今反沉，故责之。

师曰：寸脉下不至关，为阳绝。尺脉上不至关，为阴绝。此皆不治，决死也。若计其余命生死之期，期以月节克之也。

师曰：脉病人不病，名曰行尸。以无王气，卒眩仆，不识人者，短命则死。人病脉不病，名曰内虚。以无谷神，虽困无苦。

问曰：上工望而知之，中工问而知之，下工脉而知之。愿闻其说？师曰：病家人请云：“病人苦发热，身体疼，病人自卧”。师到，诊其脉沉而迟者，知其差也。

何以知之？若表有病者，脉当浮大。今脉反沉迟，故知愈也。假令病人云“腹内卒痛”，病人自坐。师到，脉之浮而大者，知其差也。何以知之？若里有病者，脉当沉而细。今脉浮大，故知愈也。

师曰：病家人来请云：“病人发热烦极”，明日师到，病人向壁卧，此热已去也。

设令脉不和，处言已愈。设令向壁卧，闻师到，不惊起而盼视。若三言三止，脉之咽唾者，此诈病也。设令脉自和，处言汝病太重，当须服吐下药，针灸数十百处乃愈。

师持脉，病人欠者，无病也。脉之呻者，无病也。脉之呻者，病也。言迟者，风也。摇头言者，里痛也。行迟者，表强也。坐而伏者，短气也。坐而下一膝者，腰痛也。里实护腹，如怀卵物者，心痛也。

师曰：伏气之病，以意候之。今月之内，欲有伏气。假令旧有伏气，当须脉之。

若脉微弱者，当喉中痛似伤，非喉痹也。病人云：实咽中痛。虽尔，今复欲下利。

问曰：《经》说脉有三菽六菽重者，何谓也？师曰：脉人以指按之，如三菽之重者，肺气也。如六菽之重者，心气也。如九菽之重者，脾气也。如十二菽之重者，肝气也。按之至骨者，肾气也。菽者，小豆也。假令下利，寸口、关上、尺中悉不见脉，然尺中时一小见，脉再举头一云“按投”。者，肾气也。若见损脉来至，为难治。损谓所胜脾，脾胜不应时。

问曰：东方肝脉，其形何似？师曰：肝者，木也，名厥阴。其脉微弦濡弱而长，是肝脉也。肝病自得濡弱者，愈也。假令得纯弦脉者，死。何以知之？以其脉如弦直，此是肝脏伤，故知死也。

南方心脉，其形何似？师曰：心者，火也，名少阴。其脉洪大而长，是心脉也。

心病自得洪大者，愈也。假令脉来微去大，故名反，病在里也。脉来头小本大，故名覆，病在表也。上微头小者，则汗出。下微本大者，则为关格不通，不得尿。

头无汗者，可治；有汗者死。

西方肺脉，其形何似？师曰：肺者，金也，名太阴。其脉毛浮也，肺病自得此脉。

若得缓迟者，皆愈。若得数者，则剧。何以知之？数者，南方火，火克西方金，法当癰肿，为难治也。

问曰：二月得毛浮脉，何以处言至秋当死？师曰：二月之时，脉当濡弱，反得毛浮者，故知至秋死。二月肝用事，肝属木，脉应濡弱，反得毛浮脉者，是肺脉也。

肺属金，金来克木，故知至秋死。他皆效此。

师曰：立夏得洪一作“浮”。大脉，是其本位。其人病身体若疼重者，复发其汗。

若明日身不痛不重者，不须发汗。若汗濈濈自出者，明日便解矣。何以言之？立夏脉洪大，是其时脉，故使然也。四时效此。

师曰：病人脉微而涩者，此为医所病也。大发其汗，又数大下之，其人亡血，病当恶寒而发热，无休止时。夏月盛热而欲着复衣，冬月盛寒而欲裸其体。所以然者，阳微即恶寒，阴弱即发热。医发其汗，使阳气微；又大下之，令阴气弱。五月之时，阳气在表，胃中虚冷，以阳气内微，不能胜冷，故欲着复衣。十一月之时，阳气在里，胃中烦热，以阴气内弱，不能胜热，故欲裸其体。又阴脉迟涩，故知亡血。

问曰：尝为人所难，紧脉何所从而来？师曰：假令亡汗、若吐，肺中寒，故令紧。

假令咳者，坐饮冷水，故令紧。假令下利者，以胃中虚冷，故令紧也。

问曰：人不能饮，其脉何类？师曰：其脉自弦，弦，一作“涩”。唇口干燥也。

问曰：人愧者，其脉何等类？师曰：其脉自浮而弱，面形乍白乍赤。

问曰：人病恐布，其脉何类？师曰：脉形如循丝累累然，其面白脱色也。

问曰：脉有残贼，何谓？师曰：脉有弦，有紧，有涩，有滑，有浮，有沉。此六脉为残贼，能与诸经作病。

问曰：脉有灾怪，何谓？师曰：假令人病，脉得太阳，脉与病形证相应，因为作汤。比还送汤之时病者因反吐，若下利，病腹中痛。因问：言我前来脉时不见此证，今反覆变异，故是名为灾怪。因问：何缘作此吐利？答曰：或有先服药，今发作，故为灾怪也。

问曰：翕奄沉，名曰滑。何谓？师曰：沉为纯阴，翕为正阳，阴阳和合，故脉滑也。

问曰：脉有相乘，有纵，有横，有逆，有顺，何谓也？师曰：水行乘火，金行乘木，名曰纵。火行乘水，木行乘金，名曰横。水行乘金，火行乘木。名曰逆。金行乘水，木行乘火，名曰顺。

问曰：濡弱何以反适十一头？师曰：五脏六腑相乘，故令十一。

问曰：何以知乘腑？何以知乘脏？师曰：诸阳浮数为乘腑，诸阴迟涩为乘脏也。

辨脉法 平脉法下

寸口卫气盛，名曰高。荣气盛，名曰章。高章相抟，名曰纲。卫气弱，名曰牖。

荣气弱，名曰卑。牖卑相抟，名曰损。卫气和，名曰缓。荣气和，名曰迟。缓迟相抟，名曰沉。

寸口脉缓而迟，缓则阳气长，其色鲜，其颜光，其声商，毛发长。迟则阴气盛，骨髓生，血满，肌肉紧薄鲜鞭。阴阳相抱，荣卫俱行，刚柔相得，名曰强也。

寸口脉浮为在表，沉为在里，数为在腑，迟为在脏。假令脉迟，此为在脏也。

寸口诸微，亡阳。诸濡，亡血。诸弱，发热。诸紧，为寒。诸乘寒者，则为厥，郁冒不仁，以胃无谷气，脾涩不通，口急不能言，战而栗也。

寸口脉浮而紧，浮则为风，紧则为寒。风则伤卫，寒则伤荣。荣卫俱病，骨节烦疼，当发其汗也。此条旧在《辨脉法》篇内，又《可汗篇》亦有此文，论末有“宜麻黄汤”四字。案：凡云“宜某汤”者，悉为《平脉辨证》中之文，《胎产药录》例言属某汤。二家之书即以分疆。《辨脉法》为《胎产药录》之一篇，《平脉法》为《平脉辨证》之一篇。此条言宜某汤，知此条本为《平脉辨证》篇中之文，宜以之次入《平脉法》篇。又此条论首有“寸口”二字，案《平脉法》篇内，凡论病脉之文，论首悉有“寸口”、“趺阳”等字样，《辨脉法》篇有“寸口”、“趺阳”字样者，连此共止七条，余之大多并无之。以此条本为《平脉辨证》之文准之，知此七条必亦悉如此条，并为《平脉辨证》中之文。叔和以之次入《辨脉法》篇，误。今悉将此七条归还于《平脉法》篇内，用清门户。因此七条若本为《辨脉法》篇中之文者，则余之大多亦应悉有“寸口”、“趺阳”字样，有“寸口”、“趺阳”字样。而无之者，则此七条，本与之非为一类，即此即可决其本非《辨脉法》篇中之文。而此七条有“寸口”、“趺阳”字样，实与《平脉法》篇中之条为一类。即此即可证其实为《平脉辨证》中之文也。兹即将此条，改而归入之于此。

寸口脉阴阳俱紧者，法当清邪中于上焦，浊邪中于下焦。清邪中上，名曰洁也。

浊邪中下，名曰浑也。阴中于邪，必内栗也。表气微虚，里气不守，故使邪中于阴也。阳中于邪，必发热，头痛，项强，颈挛，腰痛，胫酸，所谓阳中雾露之气。

故曰清邪中上，浊邪中下。阴气为栗，足膝逆冷，便溺妄出。表气微虚，里气微急。三焦相溷，内外不通。上焦怫音佛，下同。郁，藏气相熏，口烂食断也。中焦不治，胃气上冲，脾气不转，胃中为浊，荣卫不通，血凝不流。若卫气前通者，小便赤黄。与热相抟，因热作使，游于经络，出入脏腑，热气所过，则为痈脓。

若阴气前通者，阳气厥微，厥，逆也。阴无所使，客气内入噫而出之，声噎咽塞噎字，音同祿)。寒厥相迫，为热所拥，血凝自下，状如豚肝。阴阳俱厥，脾气孤弱，五液注下，下焦不尽，一作“阖”。清便下重，令便数难，脐筑湫痛，命将难全。

寸口脉微，尺脉紧，其人虚损多汗，知阴常在，绝不见阳也。

寸口脉微而涩，微者，卫气不行；涩者，荣气不逮。荣卫不能相将，三焦无所仰，身体痺不仁。荣气不足，则烦疼，口难言。卫气虚者，则恶寒，数欠。三焦不归其部，上焦不归者，噫而酢吞；中焦不归者，不能消谷引食；下焦不归者，则遗溲。

寸口脉微而涩，微者，卫气衰；涩者，荣气不足。卫气衰，面色黄；荣气不足，面色青。荣为根，卫为叶。荣卫俱微，则根叶枯槁而寒栗咳逆，唾吐涎沫也。

寸口脉微而缓，微者，卫气疏，疏则其肤空；缓者，胃气实，实则谷消而水化也。

谷入于胃，脉道乃行。水入于经，其血乃成。荣盛则其肤必疏，三焦绝经，名曰血崩。“荣盛则其肤必疏，三焦绝经”。此二句文有误，疑当作“荣盛而其肤疏，必三焦绝经，名曰血崩”。

寸口脉弱而缓，弱者，阳气不足；缓者，胃气有余。噫而吞酸，食卒不下，气填于膈上也。一作“下”。

寸口脉弱而迟，弱者，卫气微；迟者，荣中寒。荣为血，血寒则发热。卫为气，气微者，心内饥，饥而虚满不能食也。

寸口脉浮大，医反下之，此为大逆。浮即无血，大即为寒。寒气相抟，即为肠鸣。

医乃不知，而反饮水令汗大出。水得寒气，冷必相抟，其人即噎的古字。音同噎“一世1”)。音“噎”。此条曲解有误。大为热，大为病进。浮大之脉，病为在表。浮为病在太阳，大为传之阳明。脉浮大者，风也。当发其汗。医反下之，戕其内阳，胃中虚冷，又以水饮之，虚冷与水相抟，其人即噎(同前，用噎的古字，只因此处作小字写，故用今字)。非大为寒也。

寸口脉浮而大，浮为虚，大为实。在尺为关，在寸为格。关则不得小便，格则吐逆。

跌阳脉伏而涩，伏则吐逆，水谷不化；涩则食不得入，名曰关格。

跌阳脉不出，脾不上下，身冷肤鞣。

趺阳脉浮而芤，浮者，卫气虚；芤者，荣气伤。“卫”当为“胃”，“荣”当为“脾”。字之误也。其身体瘦，肌肉甲错。浮芤相转，宗气微衰，四属断绝。脾病不能行津液，四肢不得禀水谷之气。

趺阳脉浮，浮则为虚，浮虚相转，故令气，言胃气虚竭也。脉滑则为哕，此为医咎，责虚取实，守空迫血。脉浮，鼻中燥者，必衄也。

趺阳脉滑而紧，滑者，胃气实；紧者，脾气强。持实击强，痛还自伤。以手把刃，坐作疮也。趺阳脉滑而紧，“紧”字当是“数”字之讹。数为热，热消谷，故为脾气强。紧为寒，有寒，脾气何得强？持实击强者，谓恃胃能食，而多食以损脾，则痛还自伤，如以手把刃也。

趺阳脉大而紧者，当即下利，为难治。

趺阳脉微而紧，紧则为寒，微则为虚。微紧相转，则为短气。

趺阳脉沉而数，沉为实，数消谷。紧者，病难治。

趺阳脉迟而缓，胃气如经也。趺阳脉浮而数，浮则伤胃，数则动脾。此非本病，医特下之所为也。荣卫内陷，其数先微，脉反但浮，其人必大便坚，气噫而除。

何以言之？脾脉本缓，今数脉动脾，其数先微，故知脾气不治，大便坚，气噫而除。今脉反浮，其数改微，邪气独留，心中则饥。邪热杀谷，潮热发渴，数脉当迟缓。脉因前后度数如前，病者则饥。数脉不时，则生恶疮。

趺阳脉浮而涩，少阴脉如经者，其病在脾，法当下利。何以知之？若脉浮大者，气实血虚也。今趺阳脉浮而涩，故知脾气不足，胃气虚也。以少阴脉弦而浮一作“沉”。才见，此为调脉，才，仅也。故称如经也。若反滑而数者，故知当屎脓也。《玉函》作“溺”。

趺阳脉紧而浮，浮为气，紧为寒。浮为腹满，紧为绞痛。浮紧相转，肠鸣而转。

转即气动，膈气乃下。少阴脉不出，其阴肿大而虚也。

关尺自平，阳明脉微沉，食饮自可。少阴脉微滑，滑者紧之浮名也。此为阴实，其人必股内汗出，阴下湿也。

少阴脉弱而涩，弱者，微烦；涩者，厥逆。

少阴脉不至，肾气微，少精血，奔气促迫，上入胸膈，宗气反聚，血结心下。阳气退下，热归阴股，与阴相抟，抟，原误“动”。今改正。令身不仁。此为尸厥，当刺期门、巨阙。

病不可发汗证第七：温病不可发汗，伤寒不可下 不可发汗上篇上

此篇论太阳阳明两经合病之风温表证，梔豉症。不可发汗。

阳明病，其脉浮紧，咽干口苦，腹满而喘，发热汗出而不恶寒，反偏恶热，其身体重。发其汗即燥，心愤愤而反谵语；加温针，必怵惕，又烦躁不得眠；下之，即胃中空虚，客气动膈，心中懊憹，舌上胎者，属梔子汤证。后人银翘散，即出此方。然不如径用经方之为允当，毋妄信其避用苦寒拣用甘寒之呓语也。因服苦寒药而不愈者，为热在血分，宜用生地、丹皮等。梔子、知母、黄连、黄柏为气分之药，故不能愈也。又热在于表者，当兼用豆豉与石膏，若单用梔子、知母等，亦不能愈，因表里不同道故也，亦非苦寒之过也。学者慎勿为瞽者所蒙。

梔子汤方药下性味，为今所注，悉本自《神农本草》。其《神农本草》所无者，别据《别录》补之。

梔子十四枚，擘，苦寒香豉四合，绵裹，苦寒右二味，以水四升，先煮梔子，取二升半，内豉，煮取一升半，去滓，分再服。

温进一服，得吐者，止后服。梔子汤中无吐药，服之而吐者，为胃中有寒，此非其治也，故云“止后服”。言当改以温药服之也。后之解者，见此得吐之语，略弗深省，竟谓梔子汤为吐剂。夫梔子汤果为吐剂者，《可吐篇》中必列之，而宋本《伤寒论》与《脉经》及《千金翼方》本之《可吐》、《宜吐》篇中，均未列有梔子汤论之文，足证其非为吐剂也明甚矣。

凡用梔子汤，病人旧微溏者，不可与服之。微溏为阳明里寒，此与“得吐者止后服”之戒同。

伤寒，头痛，翕翕发热，形象中风，常微汗出，又自呕者。下之，益烦，心懊憹如饥。发汗则致痉，身强难以屈伸。熏之则发黄，不得小便。灸则发咳唾。

伤寒，发热，但头痛，微汗出。发其汗则不识人；熏之则喘，不得小便，心腹满；下之则短气而腹满小便难。头痛，背强，加温针则必衄。

病不可发汗证第七：温病不可发汗，伤寒不可下 不可发汗上篇下

此篇论太阳少阳及三阳合病之风温表证，白虎症原文如此，用‘症’而非‘证’，可能有误。不可发汗。

三阳合病，腹满身重，难以转侧，口不仁言语，面垢向经，谵语，遗溺。发汗则谵语，下之则额上生汗，手足厥冷，自汗，属白虎汤证。

白虎汤方知母六两，苦寒石膏一斤，碎，辛，微寒甘草二两，炙，甘平粳米六合，甘平右四味，以水一斗，煮米热汤成，去滓，温服一升，日三服。

伤寒脉滑而厥者，厥者，脉初来大，渐渐小，更来渐渐大，是其候也。其表有热，白虎汤主之《脉经》无此条，此据《千金翼方》本文。《伤寒论》本，则其“表有热”句，作“裏有热也”四字。案里有热者必燥渴，此论未言渴，其非为里有热也可知。又据《伤寒论》中凡属白虎汤证而渴者，其方例加人参三两，此方不言白虎加人参汤，足证其未言渴，亦非略文。是此条之文，当以《千金翼方》本所载者为是，《伤寒论》本所载者为非也。

伤寒，脉浮滑，此以表有热，白虎汤主之。此文，“此以表有热句”下，旧有“里有寒”三字，为传钞者之误，林亿等已辨之。再以上条之文证之，更明。今删去之，免迷读者。

病不可发汗证第七：温病不可发汗，伤寒不可下 不可发汗中篇上

此篇论少阴温病里证，承气症。不可发汗。

少阴病，脉细沉数，病为在裏，不可发其汗。

少阴病，六七日，腹满，不大便者，急下之，属大承气汤证。

大承气汤方大黄四两。苦寒厚朴八两，炙，苦温枳实五枚，炙，苦寒芒硝三合，苦寒芍药四两，以水一斗，先煮二味，取五升，内大黄，更煮取二升，去滓，内芒硝，更煎一沸，分再服。得下者，止。

伤寒四五日，其脉沉，烦而喘满。沉脉者，病为在裏。反发其汗，津液越出，大便为难。表虚里实，久则谵语。

少阴病，得之二三日，口燥咽干者，急下之，属大承气汤。

咽干燥者，不可发其汗。

伤寒一二日至四五日，厥者必发热。前厥者，后必热。厥深者热亦深，厥微者热亦微。厥应下之，而反发其汗，必口伤烂赤。

病不可发汗证第七：温病不可发汗，伤寒不可下 不可发汗中篇下

此篇论少阴温病里证，黄连黄芩芍药症，当清内热，利小便，不可发汗。

少阴病，得之二三日以上，心中烦，不得卧者，黄连阿胶汤主之。

黄连阿胶汤方黄连四两，苦寒黄芩一两、苦平芍药二两，苦平鸡子黄二枚，甘微温阿胶三挺，甘平右五味，以水六升，先煮三味，取二升，去滓，内胶烊尽，内鸡子黄，搅令相得，温服七合，日三服。

病不可发汗证第七：温病不可发汗，伤寒不可下 不可发汗下篇上

亡血家，不可攻其表，汗出则寒栗而振。

衄家，不可攻其表，汗出必额陷脉上促急而紧，直视而不能眴，不得眠。

疮家，虽有身疼，不可攻其表，汗出则疮。冬时发其汗，必吐利，口中烂，生疮。

淋家，不可发汗，发其汗必便血。

厥，不可发汗，发汗则声乱、咽嘶、舌痿，谷不得前。诸逆，发汗，微者难愈，剧者言乱。睛眩者，死。命将难全。

咽中闭塞，不可发汗，发汗则吐血，气微欲绝，手足逆冷，欲得踰卧，不能自温。

咳而小便利，若失小便，不可攻其表，汗出则厥逆冷。

病不可发汗证第七：温病不可发汗，伤寒不可下 不可发汗下篇下：此一篇共八条。千金翼方本悉无之。

动气在右，不可发汗，发汗则衄而渴。心苦烦，饮即吐水。

动气在左，不可发汗，发汗则头眩，汗不止，筋惕肉瞤。

动气在上，不可发汗，发汗则气上冲，正在心端。

动气在下，不可发汗，发汗则无汗，心中大烦，骨节苦痛，目运，恶寒，食即反吐，谷不得前。一云：谷不消化。

脉濡而弱，弱反在关，濡反在颠，微反在上，涩反在下。微则阳气不足，涩则无血。阳气反微，中风汗出，而反躁烦。涩则无血，厥而且寒。阳微发汗，躁不得眠。

脉濡而弱，弱反在关，濡反在颠，弦反在上，微反在下。弦为阳运，微为阴寒。

上实下虚，意欲得温。微弦为虚，不可发汗，发汗则寒栗，不能自还。咳者则剧，数吐涎沫，咽中必干，小便不利，心中饥烦，晡时而发，其形似疟，有寒无热。

虚而寒栗，咳而发汗，蹇而苦满，腹中复坚。

脉濡而紧，濡则阳气微，紧则荣中寒。阳微卫中风，发热而恶寒；荣紧胃气冷，微呕心内烦。医以为大热，解肌而发汗。亡阳虚烦躁，心下苦痞坚。表裏俱虚竭，卒起而头眩。客热在皮肤，怵怵不得眠。不知胃气冷，坚寒在关元。技巧无所施，汲水灌其身。客热应时罢，栗栗而振寒。重被而覆之，汗出而冒颠。体惕而又振，小便为微难。寒气因水发，清谷不容间。呕胃反肠出，颠倒不得安。手足为微逆，身冷而内烦。迟欲从后救，安可复追还。

诸脉数动微弱，并[1]可发汗，发汗则大便难，腹中干。一云：小便难，胞中干。

胃燥而烦，其形相像，根本异源。

[1]并可发汗：“并”疑讹，观文意作“不”字乃是。此为杨氏原注)

病可发汗证第八 简介

此篇论中风表证可发其汗。

病可发汗证第八 可发汗上篇

太阳病，三四日不吐下，见衄乃汗之，此条据《千金翼》本补。

大法：春夏宜发汗。

凡发汗，欲令手足皆周至，絜絜一时间益佳，但不欲如水流离。若病不解，当重发汗。汗多则亡阳。阳虚，不得重发汗也。

凡服汤药发汗，中病便止，不必尽剂也。

凡云可发汗而无汤者，丸散亦可用，要以汗出为解。然不如汤随证良。

太阳中风，阳浮而阴濡弱。浮者热自发。濡弱者汗自出。啬啬恶寒，淅淅恶风，翕翕发热，鼻鸣干呕，属桂枝汤证。

桂枝汤方桂枝辛温芍药苦平生姜辛温，各二两切甘草二两，炙，甘平大枣二十枚，擘，甘平右五味，{口父}咀三味，以水七升。微火煮取三升，去滓，温服一升。须臾，饮热粥一升余，以助药力。温覆令汗出一时许，益善。若不汗，再服如前。复不汗，后服小促其间，令半日许三服。病重者，一日一夜乃差，当啐时观之。服一剂汤，病证犹在，当作服之。至有不汗出，当服三剂乃解。

桂枝汤本为解肌，其人脉浮紧，发热无汗，不可与也。常识此，勿令误也。

酒客。不可与桂枝汤，得之则呕。酒客不喜甘故也。

喘家作，桂枝汤加厚朴杏子佳。即于桂枝汤方内，加厚朴二两，杏仁五十个，去皮尖，余依前法。

服桂枝汤吐者，其后必吐衄血。

太阳病，外证未解，其脉浮弱，当以汗解，宜桂枝汤。

太阳病，发热汗出，此为荣弱卫强，故使汗出。欲救邪风，属桂枝汤证。“救”字，当是“攻”字之讹。

救’字未必就是讹字，因为‘救’字本有‘阻止’的意思。)本条以荣卫立论且无低格书写者，整本杨本伊尹汤液经中只有本条。其余不是小字为杨氏所作注，就是低两格书写。所以此处不以低两格书写。按康平本伤寒论，凡论及荣卫之处也都低格

书写。此处虽以太阳病起首，仍不能不疑。)病常自汗出，此为荣气和。荣气和而外不解，此卫不和也。荣行脉中，为阴主内。

卫行脉外，为阳主外。复发其汗，卫和则愈，属桂枝汤证。

病人脏无他病，时发病，自汗出而不愈，此卫气不和也。先其时发汗则愈，属桂枝汤证。

太阳病，头痛，发热，汗出，恶风，若恶寒，属桂枝汤证。

太阳病，脉浮而数者，可发其汗，属桂枝汤证。一作麻黄汤。

脉浮者，病在表，可发其汗，属桂枝汤证。一作麻黄汤。

阳明病，脉迟，汗出多，微恶寒，表为未解，可发其汗，属桂枝汤证。

太阴病，四肢烦疼之病。脉浮者，可发其汗，属桂枝汤证。

厥阴病，渴欲饮水者，与饮之即愈。手足厥寒，脉为之细绝，当归四逆汤主之。

若其人有寒，当归四逆加吴茱萸生姜汤主之。

当归四逆汤方当归三两，甘温桂心三两，辛温细辛三两，辛温芍药三两，苦平甘草二两，炙，甘平通草二两，辛平大枣二十五枚，擘，甘平右七味，以水八升，煮取三升，去滓，温服一升，日三服。

当归四逆加吴茱萸生姜汤方于前方中加吴茱萸二两，生姜八两，切。以水四升，清酒四升和，煮取三升，去滓，分温四服。一作酒水各六升。

病可发汗证第八 发汗后中篇

太阳病，发其汗，遂漏而不止，其人恶风，小便难，四肢微急，难以屈伸，属桂枝加附子汤。

桂枝加附子汤方于桂枝汤中加附子一枚，炮，即是。

伤寒，脉浮，自汗出，小便数，颇烦，复微恶寒，而脚挛急，反与桂枝汤欲攻其表。得之便厥，咽干，烦躁，吐逆，当作甘草干姜汤以复其阳。厥愈足温，更作芍药甘草汤与之，其脚即伸。而胃气不和，谵语，少与调胃承气汤。重发其汗，复加烧针者，属四逆汤。

甘草干姜汤方甘草四两，炙，甘平干姜二两，辛温右二味，以水三升，煮取一升，去滓，分温再服。

芍药甘草汤方芍药苦平，甘草甘平，炙，各四两右二味，以水三升，煮取一升，去滓，分温再服。

调胃承气汤方见下篇。

四逆汤方见后第三卷《不可吐可吐门》。

问曰：证象阳，旦按法治之而增剧，“证象阳”句，“旦”与“但”同。“旦”字连下读。厥逆，咽中干，两胫拘急而谵语。师言：夜半手足当温，两脚当伸。

后如师言。何以知此？答曰：寸口脉浮而大，浮则为风，大则为虚。风则生微热，虚则两胫挛。病证象桂枝，因加附子参其间，增桂令汗出。附子温经，亡阳故也。

厥逆，咽中干，烦躁，阳明内结，谵语烦乱，更饮甘草干姜汤。夜半阳气还，两脚当热，胫尚微拘急，重与芍药甘草汤，尔乃胫伸。以承气汤微溲，则止其谵语，故知病可愈。

本条起首‘证象阳’一句，有一说作‘证象阳旦’，这可能是因为本条另有一句‘证象桂枝’。若‘证象桂枝’中的‘桂枝’代表桂枝汤，那么要断成‘阳旦’，则当有一‘阳旦汤’方可解。而且此阳旦汤证当与桂枝汤证不同。疑，当考。)发汗后，腹胀满，属厚朴生姜半夏甘草人参汤。发其汗不解，而反恶寒者，虚故也，属芍药甘草附子汤。不恶寒，但热者，实也，当和其胃气，宜小承气汤。一作调胃承气汤。

厚朴生姜半夏甘草人参汤方厚朴半斤，炙，苦温生姜半斤，切，辛温半夏半升，洗。辛平甘草二两，炙，甘平人参一两，甘微寒右五味，以水一斗，煮取三升，去滓，温服一升，日三服。

芍药甘草附子汤方芍药苦平甘草甘平，各三两，炙附子一枚，炮，去皮，破六片，辛温右三味，以水三升，煮取一升二合，去滓，分温三服。

小承气汤方见后可下门发汗后，身热，又重发其汗，胃中虚冷，必反吐也。

发汗后，水药不得入口为逆，若更发其汗，必吐下不止。

大汗出，热不去，内拘急，四肢痛，下利，厥逆而恶寒，属四逆汤。

病可发汗证第八 发汗后下篇

太阳病三日，发其汗不解，蒸蒸发热者，属于胃也，属调胃承气汤。若渴欲饮水，口干舌燥者，白虎汤主之。一作白虎加人参汤。即于白虎汤内，加人参三两。若脉浮，发热，渴欲饮水，小便不利，猪苓汤主之。此处白虎、猪苓二半条。《伤寒论》本以之附于栀子汤论之末，《千金翼方》本以之附于三阳合病之白虎汤论之末。案：附于白虎汤论之末，固未为妥，然《千金》未同以之附于栀子汤论之末，足证此二半条，其旧本亦不在栀子汤论之下。盖此二半条早已手足分散，失其主领之条久矣。兹特代为觅访，查全书数百余条中，惟此条与之合{本省}，今即以之附于此条之末。读之较在栀子汤论之末更觉义明法显。

调胃承气汤方大黄四两，苦寒，甘草二两，炙，甘平芒硝半两。苦寒右三味，以水三升，煮取一升，去滓，内芒硝，更一沸，顿服。

猪苓汤方猪苓去黑皮，甘平茯苓甘平泽泻甘寒阿胶甘平滑石甘寒，碎，各一两右五味，以水六升，先煮四味，取二升，去滓，内胶烊消，温服七合，日三服。

阳明病，汗出多而渴者，不可与猪苓汤，以汗多胃中燥，猪苓汤复利其小便故也。

服桂枝汤，大汗出，大烦渴不解，若脉洪大，属白虎汤。一作白虎加人参汤。

发汗，若下之，烦热，胸中塞者，用栀子汤证。

汗家，重发其汗，必恍惚心乱，小便已阴痛，可与禹余粮丸。阙。

阳明病，本自汗出，医复重发其汗，病已差，其人微烦不了了，此大便坚也。以亡津液，胃中干燥，故令其坚。当问小便日几行。若本日三四行，今日再行者，必知大便不久出。今为小便难少，津液当还入胃中，故知必当大便也。

阳明病，自汗出，若发其汗，小便自利，此为内竭。虽坚不可攻之，当须自欲大便，宜蜜煎导而通之。若土瓜根及猪胆汁，皆可为导。

蜜煎导方蜜七合，甘平右一味，内铜器中，微火煎之，稍凝如饴状，搅之勿令焦着，欲可丸，捻如指许，长二寸。当热时急作，令头锐，以内谷道中，以手急抱，欲大便时乃去之。

猪胆汁方大猪胆一枚，泻汁，和少许醋，以灌谷道中，加一食顷。当大便出宿食恶物。已试甚良。

病不可下证第十一 简介

伤寒不可下，温病不可发汗。

病不可下证第十一 不可下上篇

此篇论中风表证不可下。

太阳病，有外证未解，不可下，下之为逆。解外宜桂枝汤。

本发汗而复下之，此为逆也。若先发汗，治不为逆。本下之而反汗之，为逆。若先下之，治不为逆。

太阳与阳明合病，喘而胸满，不可下也。属麻黄汤证。

脉浮大。应发其汗。医反下之，此为大逆。

夫病脉浮大，问病者言便坚耶？设利者，为虚，大逆。坚为实，汗出而解。何以故？脉浮，当以汗解。

病不可下证第十一 不可下中篇

此篇论伤寒里证不可下。

少阴病，脉微，不可发其汗，无阳故也。阳已虚，尺脉弱涩者，复不可下之。

少阴病，得之一二日，口中和，其背恶寒者，当灸之。附子汤主之。

附子汤方附子二枚，炮，去皮破八片，辛温茯苓三两，甘平人参二两，甘微寒白术四两，苦温芍药三两，苦平右五味，以水八升，煮取三升，去滓，分温三服。

阴病，身体痛，手足寒，骨节痛，脉沉者，附子汤主之。

伤寒五六日，不结胸，腹濡，脉虚，复厥者，不可下，下之亡血，死。

诸四逆厥者，不可下之。虚家亦然。

少阴病，脉沉者，急当温之，宜四逆汤。

师曰：病发热头痛，脉反沉。若不差，身体更疼痛，当救其里，宜温药四逆汤。

病不可下证第十一 不可下下篇上

诸外实，不可下，下之则发微热，亡脉则厥，当脐发热。“发热”，一本作“握热”。

诸虚不可下，下之则渴引水者，自愈。恶水者剧。

咽中闭塞，不可下，下之则上轻下重。水浆不下，卧则欲蹶，身体急痛，复下利日十数行。

病欲吐者，不可下之。

病不可下证第十一 不可下下篇下

此一篇共八条，《千金》本无之。

动气在右，不可下，下之则津液内竭，咽燥，鼻干，头眩，心悸。

动气在左，不可下，下之则腹里拘急，食不下，动气反剧。身虽有热，卧反欲踰。

动气在上，不可下，下之则掌握热烦，身浮热，冷汗自泄，欲水自灌。

动气在下，不可下，下之则腹满，卒起头眩，食则下清谷，心下痞坚。

脉濡而弱，弱反在关，濡反在颠，微反在上，涩反在下。微则阳气不足，涩则无血，阳气反微。中风汗出，而反躁烦。涩则无血，厥而且寒。阳微不可下，下则心下痞坚。

脉濡而弱，弱反在关，濡反在颠，弦反在上，微反在下。弦为阳运，微为阴寒，上实下虚，意欲得温。微弦为虚，虚者不可下。微则为咳，咳则吐涎沫，下之咳则止而利不休，胸中如虫啮，粥入则出，小便不利，两胁拘急，喘息为难，颈项相牵，臂则不仁。极寒反出汗，躯冷若冰，眼睛不慧，语言不休。谷气多入则为中满，口虽欲言，舌不得前。

脉濡而弱，弱反在关，濡反在颠，浮反在上，数反在下。浮为阳虚，数为无血。

浮则为虚，数则生热。浮则为虚，自汗恶热。“恶热”当是“发热”之讹。一本作“恶寒”，与下文义复，且失韵，非。数则为痛，振而寒栗。微弱在关，胸下为急，喘满汗流，不得呼吸，呼吸之中，痛在于胁，振寒相搏(@此处为‘搏’不为‘转’)，其形如疟。医反下之，令脉急数，发热狂走，见鬼恍惚，心下为痞，小便淋沥，少腹甚坚，小便血出。

脉浮而大，浮为气实，大为血虚。血虚为无阴，气实为孤阳。当小便难，胸中虚。

今以小便利，而大汗出，法卫家当微。今反更实，津液四射，荣竭血尽，虚烦不眠，血薄肉消，而成暴液。医以药攻其胃，此为重虚。客阳去有期，必下如污泥而死。

脉数者，久数不止，不止则邪结。正气不能复，正气却结于脏，故邪气浮之与皮毛相得。脉数者，下之必烦利不止。

病可下证第十二 可下上篇：此篇论阳明温病。

大法：秋宜下，冬宜温热药及灸。

凡可下者，以汤胜丸散，中病便止，不必尽服之。

阳明病，潮热微坚者，可与承气汤；不坚，不可与。若不大便六七日，恐有燥屎。

欲知之法，可少与小承气汤。腹中转气者，此为有燥屎，乃可攻之。若不转气者，此但头坚后溏，不可攻之，攻之必腹满。不能食，欲饮水者，即哕。其后发热者，必复坚，以小承气汤和之。若不转气者，慎不可攻之。

小承气汤方大黄四两，苦寒厚朴二两，炙，苦温枳实三枚，炙，苦寒右三味，以水四升，煮取一升二合，去滓，温分再服。服汤，当更衣。不尔，尽服之。

阳明病，其脉迟，虽汗出而不恶寒，其体必重，短气，腹满而喘，有潮热。如此者，其外为解，可攻其裏。若手足濇然汗出者，此大便已坚，属大承气汤。其热不潮，未可与承气汤。若腹满大而不大便者，属小承气汤，微和胃气，勿令至大下。

脉双弦迟，心下坚。脉大而紧者，阳中有阴，可下之。属大承气汤证。

腹满时减，减复如故，此为寒，当与温药。腹满不减，减不足言，当下之，宜大承气汤。

阳明病，不吐下而心烦者，可与调胃承气汤。

阳明病下之，此“下之”二字，作当下解，不作已下解。心中懊憹而烦，胃中有燥屎者，可攻。其人腹微满，头坚后溏者，不可攻之。有燥屎者，属大承气汤证。

得病二三日，脉若无太阳柴胡证，“脉若”，一本作“脉弱”，非。而烦躁心下坚。至四日，虽能食，以小承气汤少与，微和之，令小安。至六日，与承气汤一升。不大便六七日，小便少者，虽不大便，但头坚后溏，未定成其坚，攻之必溏。

当须小便利，定坚，乃可攻之。

病人小便不利，“不”字误，当衍。大便乍难乍易，时有微热，喘冒不能卧，有燥屎也。属大承气汤证。

阳明病，其人汗多，津液外出，胃中燥，大便必坚，坚者必谵语，属小承气汤证。

若一服谵语止，更莫复服。

阳明病，谵语，发潮热，其脉滑疾，如此者，属承气汤。因与小承气汤一升，腹中转气者，复与一升。如不转气者，勿更与之。明日又不大便，脉反微涩者，此为里虚，为鸡治，不可更与承气汤。

阳明病，谵语，有潮热，而反不能食者，必有燥屎五六枚。若能食者，但坚耳。

属大承气汤证。

二阳并病，太阳证罢，但发潮热，手足絜絜汗出，大便难而谵语者，下之愈。属大承气汤证。

脉阳微而汗出少者，为自和。汗出多者，为太过。阳脉实，因发其汗，出多者，亦为太过。太过者。阳绝于内，亡津液，大便因坚也。

脉浮而芤，浮为阳，芤为阴。浮芤相抟，“抟”，一作“搏”，今改正。抟，聚也，谓结聚也。胃气生热，其阳则绝。

趺阳脉浮而涩，浮则胃气强，涩则小便数。浮涩相抟，大便则坚，其脾为约，麻子仁丸主之。“涩”字当是“数”字之讹。尺脉弱涩者，复不可下之。明日又不大便，脉反微涩者，此为里虚，为难治，不可更与承气汤。脉涩何可下耶？麻子仁丸方麻子仁二升，甘平芍药苦平枳实，炙，苦寒各八两大黄一斤，苦寒厚朴一尺，炙，苦温杏仁一升，去皮尖两人者，熬，别作脂，甘温右六味，蜜和丸如梧桐子大，饮服十圆，日三服，渐加，以知为度。

病可下证第十二

可下下篇：此篇论寒温两感，汗下双解之法。

太阳病未解，其脉阴阳俱微，必先振，汗出而解。但阳微者，先汗之而解，宜桂枝汤。但阴微者，先下之而解，属大柴胡汤证。“其脉阴阳俱微，必先振，汗出而解。”一作“其脉阴阳俱浮”，误。《辨脉法篇》云：“脉微而解者，必大汗出也”。与此言“必先振，汗出而解”同，足证微字不误。

大柴胡汤方柴胡八两，苦平枳实四枚，炙，苦寒生姜五两，切，辛温黄芩三两，苦平芍药三两，苦平半夏半升，洗，辛平大枣十二枚，擘，甘平大黄二两，苦寒右八味，以水一斗二升，煮取六升，去滓，更煎，温服一升，日三服。

伤寒十余日，热结在里，复往来寒热，属大柴胡汤证。

病者无表里证，发热七八日，虽脉浮数，可下之。属大柴胡汤证。

阳明病，发热汗多者，急下之。属大柴胡汤。《千金》作承气汤。

伤寒六七日，目中不了了，睛不和，无表里证，大便难，微热者，此为实，急下之。属大柴胡汤、承气汤证。先与大柴胡汤，后与承气汤也。

汗出而谵语者，有燥屎在胃中，此风也，过经乃可下之。下之若早，语言乱，以表虚里实故也。下之则愈，属大柴胡汤、承气汤证。汗吐下后证第十三

发汗吐下后第十三 发汗吐下后上篇上

太阳病，先发其汗，不解，而下之。其脉浮者，不愈。浮为在外，而反下之，故令不愈。今脉浮，故在外，当解其外则愈。属桂枝汤。

太阳病下之，微喘者，表未解故也，属桂枝加厚朴杏子汤证。《千金》作麻黄汤，又作桂枝汤。

桂枝加厚朴杏子汤方于桂枝汤方内加厚朴二两，杏仁五十个，去皮尖。余依前法。

大下以后，不可更行桂枝汤。汗出而喘，无大热，可与麻黄杏子甘草石膏汤。

太阳病，过经十余日，反再三下之。后四五日，柴胡证续在，先与小柴胡汤。呕止小安，其人郁郁微烦者，为未解，与大柴胡汤，下之则愈“呕止小安”，一作“呕不止，心下急”。

凡柴胡汤证而下之，柴胡证不罢者，复与柴胡汤，必蒸蒸而振，却发热汗出而解。

伤寒十三日不解，胸胁满而呕，日晡所发潮热，而微利。此本当柴胡汤，下之不得利。今反利者，故知医以丸药下之，非其治也。潮热者，实也。先再服小柴胡汤以解其外，后属柴胡加芒硝汤。

小柴胡汤方柴胡二两十六铢，苦平黄芩苦平人参甘微寒甘草炙，甘平生姜辛温，各一两，切半夏一合，洗，辛平大枣四枚，擘，甘平右七味，以水四升，煮取二升，去滓，温分再服，以解其外。不解更作。

柴胡加芒硝汤方右，以前七味，以水七升，下芒硝三合，大黄四分，桑螵蛸五枚，煮取一升半，去滓，温服五合，微下即愈。本云：柴胡汤再服，以解其外。

余二升，加芒硝、大黄、桑螵蛸也。

伤寒五六日，其人已发汗而复下之，胸胁满微结，小便不利，渴而不呕，但头汗出，往来寒热，心烦。此为未解，属柴胡桂枝干姜汤。

柴胡桂枝干姜汤方柴胡八两苦平桂枝三两，辛温栝楼根四两，苦寒黄芩三两，苦平牡蛎二两，熬，碱平甘草二两，炙，甘平右七味，以水一斗二升，煮取六升，去滓，更煎，温服一升，日二服。初服微烦，汗出愈。

伤寒八九日，下之，胸满，烦惊，小便不利，谵语，一身不可转侧，属柴胡加龙骨

牡蛎汤。

柴胡加龙骨牡蛎汤方柴胡四两苦平黄芩苦平人参甘微寒生姜切，辛温龙骨甘平牡蛎熬，碱平桂枝辛温茯苓甘平铅丹辛微寒，各一两半大黄二两苦寒半夏一合半，洗，辛平大枣六枚，擘，甘平右一十二味，以水八升，煮取四升，内大黄，切如棋子大，更煮一二沸，去滓，温服一升。本云：柴胡汤，今加龙骨等

发汗吐下后第十三 发汗吐下后上篇下

太阳病，吐、下、发汗后，微烦，小便数，大便因坚，可与小承气汤，和之则愈。

伤寒吐下后未解，不大便五六日至十余日，其人日晡所发潮热，不恶寒，独语如见鬼神之状。若剧者，发则不识人，循衣妄撮，怵惕不安，微喘直视。脉弦者生，涩者死。微者，但发热谵语，属大承气汤。若下者，勿复服。

伤寒十三日，过经而谵语，内有热也，当以汤下之。小便利者，大便当坚。而反利，其脉调和者，知医以丸药下之，非其治也。自利者，其脉当微厥。今反和者，此为内实，属调胃承气汤证。

发汗吐下后第十三 发汗吐下后中篇上

太阳病下之，其脉促，胸满者，属桂枝去芍药汤。若微寒，属桂枝去芍药加附子汤。

桂枝去芍药汤方于桂枝汤方内去芍药，余依前法。

桂枝去芍药加附子汤方于桂枝汤方内去芍药，加附子一枚，炮，去皮，破八片。

余依前法。

伤寒，医下之，续得下利清谷不止，身体疼痛，急当救裏。身体疼痛，清便自调，急当救表。救里宜四逆汤，救表宜桂枝汤。

太阳病三日，已发其汗、吐、下、温针，而不解，此为壞病，桂枝汤复不中与也。

观其脉证，知犯何逆，随证而治之。

下以后，复发其汗，必振寒，又其脉微细，所以然者，内外俱虚故也。

大汗，若大下而厥冷者，属四逆汤证。

下以后，复发其汗者，则昼日烦躁不眠，夜而安静，不呕，不渴，而无表证，其脉沉，身无大热，属干姜附子汤。

干姜附子汤方干姜一两，辛温附子一枚，炮，去皮，破八片，辛温右二味，以水三升，煮取一升，去滓，顿服即安。

发汗、吐、下以后不解，烦躁，属茯苓四逆汤。

茯苓四逆汤方茯苓四两，甘平人参一两，甘微寒甘草二两，炙，甘平干姜一两半，辛温附子一枚，生，去皮，破八片，辛温右五味，以水五升，煮取二升，去滓，温服七合，日三服。

发汗吐下后第十三 发汗吐下后中篇下

阳明病，下之，其外有热，手足温，不结胸，心中懊憹，苦饥不能食，但头汗出，属栀子汤证。

伤寒五六日，大下之，身热不去，心中结痛者，未欲解也，属栀子汤证。

伤寒，医以丸药大下之，身热不去，微烦，属栀子干姜汤。

栀子干姜汤方此与下栀子厚朴汤方内，均应有豉而无者，必为传钞者误遗之故。

栀子十四枚，擘，苦寒干姜二两，辛温右二味，以水三升半，煮取一升半，去滓，分二服，温进一服，得吐者，止后服。

伤寒下后，烦而腹满，卧起不安，属栀子厚朴汤。

栀子厚朴汤方栀子十四枚，擘，苦寒厚朴四两，炙，苦温枳实四枚，炙，苦寒右三味，以水三升半，煮取一升半，去滓，分二服，温进一服，得吐者，止后服。

太阳病不解，转入少阳，胁下坚满，干呕，不能食饮，往来寒热，而未吐下，其脉沉紧，可与小柴胡汤。若已吐下、发汗、温针，谵语，柴胡证罢，此为坏病。

知犯何逆，以法治之。

发汗吐下后，虚烦不得眠。剧者，反复颠倒，心中懊憹，属栀子汤。若少气，栀子甘草汤。若呕，栀子生姜汤。若腹满，栀子厚朴汤。

栀子甘草汤方于栀子汤中加甘草二两即是。

栀子生姜汤方于栀子汤中加生姜五两即是。

伤寒吐下后，七八日不解，热结在里，表里俱热，时时恶风，大渴，舌上干燥而烦，欲饮水致升，属白虎汤。一作白虎加入人参汤。

大下后，口燥，里虚故也。

本条可能因为印刷故，使得排列介于低一格到两格之间，难以辨别。根据杨氏的排法，此不以伤寒起首，窃以为以低两格书写为是。)

发汗吐下后第十三 发汗吐下后下篇上：附差后劳复

太阳病，先下而不愈，因复发其汗，表里俱虚，其人因冒。冒家，当汗出自愈。

所以然者，汗出表和故也。表和里未和，然后复下之。

凡病，若发汗，若吐，若下，若亡血，无津液，而阴阳自和者，必自愈。

大下后，发汗，其人小便不利，此亡津液，勿治。其小便利，必自愈。

吐、下、发汗后，其人脉平，而小烦者，以新虚不胜谷气故也。

病人脉已解，而日暮微烦者，以病新差，人强与谷，脾胃气尚弱，不能消谷，故令微烦。损谷即愈。

伤寒瘥已后，更发热，小柴胡汤主之。脉浮者，以汗解之。脉沉实者，以下解之。

伤寒后，脉沉，沉为内实，下之解，属大柴胡汤证。

伤寒汗出，若吐下解后，心下痞坚，噎气不除者，属旋覆代赭汤。

旋覆代赭汤方旋覆花三两，碱温人参二两，甘微寒生姜五两，切，辛温代赭石一两，碎，苦寒甘草三两，炙，甘平半夏半升，洗，辛平大枣十二枚，擘，甘平右七味，以水一斗，煮取六升，去滓，温服一升，日三服。

伤寒解后，虚羸少气，气逆欲吐，竹叶石膏汤主之。

竹叶石膏汤方竹叶二把，苦平半夏半升，洗，辛平麦门冬一升，去心，甘平甘草炙，甘平人参甘微寒，各二两石膏一斤，碎，辛微寒粳米半升，甘平右七味，以水一斗，煮取六升，去滓，内粳米，熟，汤成，温服一升，日三服。

大病已后，劳复，枳实栀子汤主之。若有宿食，内大黄如博棋子大五枚，服之愈。

枳实栀子汤方枳实三枚，炙，苦寒豉一升，绵裹，苦寒栀子十四枚，擘，苦寒右三味，以酢浆七升，先煎取四升，次内二味，煮取二升，内豉，煮五六沸，去滓，分温再服。

大病已后，腰以下有水气，牡蛎泽泻散主之。

牡蛎泽泻散方牡蛎熬，碱平泽泻甘寒蜀漆洗，辛平商陆辛平葶苈熬，辛寒海藻洗，苦寒栝楼根苦寒，各等分。

右七味，捣为散，饮服方寸匕，日三服，小便即利。

大病已后，其人喜唾，久久不了，胸上有寒，当温之，宜理中丸。

理中丸方人参甘微寒干姜辛温甘草炙，甘平白术苦温，各三两右四味，捣筛为末，蜜和丸如鸡子黄许大，以沸汤数合和一丸，研碎，温服，日三夜二。腹中未热，益至三四丸。然不及汤。

下利差，至其年月日时复发，此为病不尽，当复下之，宜大承气汤。

发汗吐下后第十三 发汗吐下后下篇下：阴阳易

伤寒，阴阳易之为病，其人身体重，少气，少腹里急，或引阴中拘挛，热上冲胸，头重不欲举，眼中生花，痃胞赤，膝胫拘急，烧裨散主之。

烧裨散方妇人里裨近阴处，烧灰。

右一味，水和，服方寸匕，日三，小便即利，阴头微肿，此为愈。

结胸痞第十四：此篇以下，皆论卒病。凡卒病皆当分伤寒、温病，皆当遵治伤寒、温病之可、不可诸法以治之。

结胸痞第十四 结胸痞上篇

太阳病，重发其汗而复下之，不大便五六日，舌上燥而渴，日晡所小有潮热，心胸大烦，从心下至少腹坚满而痛不可近，属大陷胸汤。小结胸者，正在心下，按之即痛，其脉浮滑，小陷胸汤主之。若寒实结胸，无热证者，与三物小白散。

大陷胸汤方大黄六两，苦寒甘遂末，一钱匕，苦寒芒消一升，苦寒右三味，以水六升，先煮大黄，取二升，去滓，内芒消，煎一两沸，内甘遂末，分再服。一服得快利，止后服。

小陷胸汤方黄连一两，苦寒半夏半升，洗，辛平栝楼实大者一枚，苦寒右三味，以水六升，先煮栝楼取三升，去滓，内诸药，煮取二升、去滓，分温三服。

三物小白散方桔梗十八铢，辛微温巴豆六铢，去皮心，熬赤黑，研如脂，辛温贝母十八铢，辛平右三味，捣为散，内巴豆，更于臼中治之，白饮和服。强人半钱匕，羸者减之。

病在上即吐，在下即利。不利，进热粥一杯。利不止，进冷粥一杯。一云：冷水一杯。

病发于阳而反下之，热入因作结胸；发于阴而反下之，因作痞。结胸者；下之早，故令结胸。

伤寒六七日，结胸热实，其脉沉紧，心下痛，按之如石坚，与大陷胸汤。

伤寒十余日，热结在里，复往来寒热，属大柴胡汤证。但结胸，无大热，此为水结在胸胁，头微汗出，与大陷胸汤。

太阳病，医发其汗，遂发热而恶寒。复下之，则心下痞。此表里俱虚，阴阳气并竭。无阳则阴独，复加火针，因而烦，面色青黄，肤瞶，如此者，为难治。面色微黄，手足温者，易愈。心下痞，按之自濡，关上脉浮者，大黄黄连泻心汤主之。

心下痞而复恶寒、汗出者，附子泻心汤主之。

大黄黄连泻心汤方大黄二两，苦寒黄连苦寒黄芩苦平，各一两右三味，以麻沸汤二升渍之，须臾去滓，分温再服。此方有旧遗黄芩一味，今据《金匱》泻心汤方文补。

附子泻心汤方附子一枚，炮，别煮取汁，辛温大黄二两，苦寒黄连苦寒黄芩苦平，

各一两右四味，切三味，以麻沸汤二升渍之，须臾去滓，内附子汁，分温再服。

脉浮紧而下之，紧反入里，则作痞，按之自濡，但气痞耳。

伤寒五六日，呕而发热，柴胡汤证具，而以他药下之，柴胡证仍在，复与柴胡汤。

此虽已下，不为逆也。必蒸蒸而振，却发热汗出而解。若心下满而坚痛者，已为结胸，属大陷胸汤。若但满而不痛者，此为痞，柴胡复不中与也，属半夏泻心汤。

本以下之，故心下痞，与之泻心汤，其痞不解，其人渴而口燥烦，小便不利者，与五苓散。一本言：忍之一日，乃愈。

半夏泻心汤方半夏半升，洗，辛平黄芩苦平干姜辛温人参甘微寒甘草甘平，各三两，炙黄连一两，苦寒大枣十二枚，擘，甘平右七味，以水一斗，煮取六升，去滓，温服一升，日三服。

伤寒大下后，复发其汗，心下痞，恶寒者，表未解也。不可攻其痞，当先解表，表解乃攻其痞。解表，属桂枝汤。攻痞，属大黄黄连泻心汤。

结胸痞上篇下：附颈项强太阳与少阳并病，头痛，颈项强而眩冒，时如结胸，心下痞坚，当刺大杼第一间、肺俞、肝俞，慎不可发汗。发汗则谵语，谵语则脉弦。谵语五日不止，当刺期门。

结胸者，项亦强，如柔痉状，下之即和，宜大陷胸丸。

大陷胸丸方大黄八两，苦寒葶苈子熬，辛寒杏仁去皮尖两仁者，甘温芒消苦寒，各半升右四味和捣，取如弹丸一枚，甘遂末一钱匕，白蜜一两，水二升，合煮取一升，温顿服，一宿乃下。如不下，更服，取下为效。

太阳与少阳并病，心下痞坚，颈项强而眩，勿下之。《千金》本“而眩”下有“宜刺大椎、肺俞、肝俞”八字。

伤寒四五日，身体热，恶风，颈项强，胁下满，手足温而渴，属小柴胡汤证。

得病六七日，脉迟浮弱，恶风寒，手足温。医再三下之，不能食。其人胁下满痛，面目及身黄，颈项强，小便难，与柴胡汤，后必下重。本渴，饮水而呕，柴胡汤不复中与也。食谷者哕。此条宜茵陈五苓散，方见《金匱》。

服桂枝汤，下之，头项强痛，翕翕发热，无汗，心下满微痛，小便不利，属桂枝去

桂加茯苓白术汤。

桂枝去桂加茯苓白术汤方茯苓甘平白术苦温，各三两右，于桂枝汤中惟除去桂枝一味，加此二味为汤，服一升，小便即利。本云：桂枝汤，今去桂枝加茯苓白术。

结胸痞第十四 结胸痞下篇上

太阳少阳并病，而反下之，成结胸，心下坚，下利不复止，水浆不肯下，其人必心烦。

太阳中风，下利，呕逆，表解乃可攻之。其人𩑦𩑦汗出，发作有时，头痛，心下痞坚满，引胁下痛，呕即短气，汗出，不恶寒，此为表解里未和，属十枣汤证。

十枣汤方芫花熬，辛温甘遂苦寒大戟苦寒，各等分右三味，捣为散，以水一升五合，先煮大枣十枚，取八合，去枣。强人内药末一钱匕，羸人半钱匕，温服，平旦服。若下少不利者，明旦更服，加半钱。得快下，糜粥自养。

伤寒发热，汗出不解后，心中痞坚，呕而下利，属大柴胡汤。

伤寒，汗出解之后，胃中不和，心下痞坚，干噫食臭，胁下有水气，腹中雷鸣而利，属生姜泻心汤。

生姜泻心汤方生姜四两，切，辛温半夏半升，洗，辛平干姜一两，辛温黄连一两，苦寒人参甘微寒黄芩苦辛甘草甘平，各三两，炙大枣十二枚，擘，甘平右八味，以水一斗，煮取六升，去滓，温服一升，日三服。

伤寒中风，医反下之，其人下利日数十行，谷不化，腹中雷鸣，心下痞坚而满，干呕而烦不能得安。医见心下痞，为病不尽，复重下之，其痞益甚。此非结热，但胃中虚，客气上逆，故使之坚。属甘草泻心汤。

甘草泻心汤方甘草四两，炙，辛平黄芩苦平干姜辛温，各三两黄连一两，苦寒半夏半升，洗，辛平大枣十二枚，擘，甘平一方有人参三两。

右六味，以水一斗，煮取六升，去滓，温服一升，日三服。

伤寒，服汤药而下利不止，心下痞坚。服泻心汤已，后以他药下之，利不止，医以治中与之，“治中”，一本作“理中”。利益甚。治中，理中焦。此利在下焦，属赤石脂禹余粮汤。若不止者，当利其小便。

赤石脂禹余粮汤方赤石脂一斤，碎，甘平禹余粮一斤，碎，甘寒右二味，以水六升，煮取二升，去滓，分温三服。

结胸痞第十四 结胸痞下篇下

太阳病二三日，终不能卧，但欲起者，心下必结。其脉微弱者，此本寒也。而反下之，利止者，必结胸。未止者，四五日复重下之，此挟热利也。

太阳病，外证未除而数下之，遂挟热而利不止，心下痞坚，表里不解，属桂枝人参汤。

桂枝人参汤方桂枝四两，别切，辛温甘草四两，炙，甘平白术苦温人参甘微寒干姜辛温，各三两。

右五味，以水九升，先煮四味，取五升，去滓，内桂，更煮取三升，去滓，温服一升，日再夜一服。

病者胁下素有痞，而下在脐旁，痛引少腹，入阴侠阴筋，此为藏结，死。

病者手足厥冷，言我不结胸，小腹满，按之痛，此冷结在膀胱关元也。

问曰：病有结胸，有脏结，其状何如？答曰：按之痛，其脉寸口浮，关上自沉，为结胸。何谓脏结？曰：如结胸状，饮食如故，时下利，阳脉浮，关上细沉而紧，名为脏结。舌上白胎滑者，为难治。

脏结，无阳证，寒而不热，其人反静，舌上胎滑者，不可攻也。

结胸证，其脉浮大，不可下，下之即死。

结胸证悉具而烦燥者，死。

呕吐啰第十六 呕吐啰上篇

太阳与阳明合病，不下利但呕，属葛根加半夏汤。

葛根加半夏汤方即于葛根汤中加半夏半升，洗，即是。葛根四两，甘平麻黄三两，去节，苦温桂枝辛温芍药苦平甘草甘平，炙，各二两生姜三两，切，辛温大枣十二枚，擘，甘平半夏半升，洗，辛平右八味，以水一斗，煮麻黄、葛根减二升，去上沫，内诸药，煮取三升，去滓，分温三服。不须与粥，取微汗。

呕而发热，小柴胡汤主之。

呕吐而病在膈上，后必思水者，解。急与猪苓散，饮之水亦得也。《千金》作“五苓散”。

猪苓散方猪苓甘平茯苓甘平白术苦温，各等分右三味，杵为散，饮服方寸匕，日三服。

伤寒呕多，虽有阳明证，不可攻之。

伤寒，本自寒呕，医复吐之，寒膈更甚，饮食入即出，属干姜黄芩黄连人参汤。

干姜黄芩黄连人参汤方干姜辛温黄芩苦平黄连苦寒人参甘微寒，各三两右四味，以水六升，煮取二升，去滓，分温再服。

病人脉数，数为有热，当消谷引食。反吐者，医发其汗，阳微，膈气虚，脉则为数。数为客阳，不能消谷。胃中虚冷，故令吐也。

食谷而呕者，属阳明，吴茱萸汤主之。得汤反剧者，属上焦也。

吴茱萸汤方见后吐利门干呕，吐涎沫而复头痛，吴茱萸汤主之。

呕而脉弱，小便复利，身有微热，见厥难治，四逆汤主之。

夫呕家有痈脓，不可治呕，脓尽自愈。

呕吐哕第十六 呕吐哕下篇上

太阳中风，发热六七日不解而烦，有表里证，渴欲饮水，水入而吐，此为水逆，五苓散主之。论首“中风”二字之上，旧脱“太阳”二字，今补正。

阳明病，胃中虚冷，其人不能食，饮水即哕。若脉浮迟，表热里寒，下利清谷，四逆汤主之。

伤寒，大吐大下之，极虚，复极汗者，其人外气怫郁，复与之水以发其汗，因得哕。所以然者，胃中寒冷故也。

伤寒，哕而腹满，视其前后，知何部不利，利之则愈。

呕吐啰第十六 呕吐啰下篇下：吐蛔

伤寒，脉微而厥，至七八日肤冷，其人躁，无暂安时，此为藏厥，非为蛔厥也。

蛔厥者，其人当吐蛔，令此字各本均作“令”，与文义不洽，疑当是“今”字之讹。病者静而复时烦，此为脏寒。蛔上入其膈，故烦。须臾复止，得食而呕，又烦者，蛔闻食臭必出。其人常自吐蛔。蛔厥者，乌梅丸主之。又主久痢乌梅丸方乌梅三百枚，酸平细辛六两，辛温干姜十两，辛温黄连十六两，苦寒当归四两，甘温蜀椒四两，出汗，辛温附子六两，炮，辛温桂枝六两，辛温人参六两，甘微寒黄柏六两，苦寒右一十味，异捣，合治之，以苦酒渍乌梅一宿，去核，蒸之五斗米下，捣成泥，和诸药，令相得。臼中与蜜杵千下，丸如梧桐子大。先食饮服十丸，日三服、少少加至二十丸。禁生冷、滑物、臭食等。

病人有寒，复发其汗，胃中冷，必吐蛔。

吐利第十七 吐利上篇

少阴病，下利，脉微涩者，即呕。行者，必数更衣。反少，当温，其上灸之。旧注云：“一云灸厥阴可五七壮”。案“当温”句，言当温之也。“其上灸之”者，谓灸少阴也。

少阴病，下利，脉微，服白通汤。利不止，厥逆，无脉，干呕，烦者，白通加猪胆汁汤主之。

白通汤方附子一枚，生，去皮，破八片，辛温干姜一两辛温葱白四茎，辛温右三味，以水三升，煮取一升，去滓，分温再服。

白通加猪胆汁汤方猪胆汁十合人屎^[1]五合。

右二味，内前汤中，和令相得，温分再服。若无胆，亦可用。服汤，脉暴出者，死。微续者生。

少阴病，吐利，手足逆，烦躁欲死者，吴茱萸汤主之。

吴茱萸汤方吴茱萸一升，辛温人参三两，甘微寒生姜六两，切，辛温大枣十二枚，擘，甘平右四味，以水七升，煮取二升，去滓，温服七合，日三服。

吐、利、汗出，发热恶寒，四肢拘急，手足厥，四逆汤主之。

既吐且利，小便复利，而大汗出，下利清谷，内寒外热，脉微欲绝，四逆汤主之。

吐已下断，汗出而厥，四肢拘急不解，脉微欲绝，通脉四逆加猪胆汁汤主之。

通脉四逆加猪胆汁汤方即于通脉四逆汤中，加猪胆汁半合即是。甘草二两，甘平附子大者一枚，生，去皮，破八片，辛温干姜三两，强人可四两，辛温猪胆汁半合右四味，以水三升，煮取一升二合，去滓，分温再服。服之，其脉即出。无猪胆，以羊胆代之。

吐利止而身体痛不休，当消息和解其外，宜桂枝汤小和之。

[1]注：“人屎”之“屎”乃讹字，当作“尿”。

吐利第十七 吐利下篇

少阴病，下利六七日，咳而呕，渴，心烦不得眠，猪苓汤主之。

问曰：病有霍乱者何？答曰。呕吐而利，此为霍乱。

问曰：病者发热头痛，身体疼，恶寒而复吐利，当属何病？答曰：当为霍乱。霍乱，吐利止而复发热也。伤寒，其脉微涩，本是霍乱，今是伤寒，“今”，“即”也。却四五日至阴经。阳转入阴，必吐利。本素呕下利者，不治。若其人即欲大便，但反失气而不利者，是为属阳明，必坚，十三日愈。所以然者，经尽故也。

下利后当坚。坚，能食者愈。今反不能食，到后经中颇能食。复一经能食，过之一日当愈。若不愈，不属阳明也。

霍乱而头痛发热，身体疼痛，热多欲饮水者，属五苓散。寒多不用水者，理中汤主之。

理中汤方人参甘微寒干姜辛温甘草炙，甘平白术苦温，各三两右四味，以水八升，煮取三升，去滓，温服一升，日三服。脐上筑者，为肾气动，去术，加桂四两。吐多者，去术，加生姜三两。下利多者，复用术。悸者，加茯苓二两。渴者，加术至四两半。腹中痛者，加人参至四两半。寒者，加干姜至四两半。腹满者，去术，加附子一枚。服药后如食顷，饮热粥一升，微自温暖，勿发揭衣被。

下利第十八 下利上篇

太阳与阳明合病，而自利不呕者，属葛根汤。

葛根汤方葛根四两，甘平麻黄三两，去节，苦温桂枝辛温芍药苦平甘草炙，甘平，各二两生姜三两，切，辛温大枣十二枚，擘，甘平右七味，以水一斗，煮麻黄、葛根，减二升，去上沫，内诸药，煮取三升，去滓，分温三服。不须与粥，取微汗。

太阳病，桂枝证，医反下之，遂利不止。其脉促者，表未解。喘而汗出，属葛根黄芩黄连汤。

葛根黄芩黄连汤方葛根半斤，甘平甘草二两，炙，甘平黄芩苦平黄连苦寒，各三两右四味，以水八升，先煮葛根，减二升，内诸药，煮取二升，去滓，分温再服。

少阴病，四逆，其人或咳，或悸，或小便不利，或腹中痛，或泄利下重，四逆散主之。

四逆散方甘草炙，甘平枳实炙，苦寒柴胡苦平芍药苦平，各十分右四味，捣为散，白饮和服方寸匕，日三服。咳者，加五味子、干姜各五分，兼主利。悸者，加桂五分。小便不利者，加茯苓五分。腹中痛者，加附子一枚，炮。

泄利下重者，先以水五升，煮薤白三升，取三升，去滓，以散三方寸内汤中，煮取一升半，分温再服。

下利，其脉浮大，此为虚，以强下之故也。设脉浮革，因尔肠鸣，当温之。与水即啜，属当归四逆汤。

下利后。身体疼痛，清便自调，急当救表，宜桂枝汤。

下利第十八 下利中篇上

阳明与少阳合病而利，脉不负者，为顺。负者，失也。互相克贼，为负。滑而数者，有宿食，当下之，属大柴胡汤，承气汤证。

下利，不欲食者，有宿食，当下之，与大承气汤。

下利，反脉滑者，当有所去，下乃愈，宜大承气汤。

下利，脉迟而滑者，实也。利未欲止，当下之，宜大承气汤。

下利，三部脉皆浮，按其心下坚者，可下之，属大承气汤证。三部脉皆浮。此据《千金》本文，《脉经》本“浮”作“平”。

下利而谵语，为有燥屎也。宜下之，小承气汤主之。

少阴病，下利清水，色青者，心下必痛，口干燥者，可下之，属大柴胡汤、承气汤证。

下利第十八 下利中篇下

太阳与少阳合病，自下利者，与黄芩汤。若呕者，与黄芩加半夏生姜汤。

黄芩汤方黄芩三两，苦平芍药苦平甘草甘平，各二两，炙大枣一十二枚，擘，甘平右四味，以水一斗，煮取三升，去滓，温服一升，日再夜一服。

黄芩加半夏生姜汤方半夏半升，洗，辛平生姜一两半，切，辛温(@此处格式又与之前不同，疑，当考。)右二味，加入前方中即是。

热利下重，白头翁汤主之。

白头翁汤方白头翁二两，苦温黄柏三两，苦寒黄连三两，苦寒秦皮三两，苦微寒右四味，以水七升，煮取二升，去滓，温服一升，不瘥更服。

下利欲饮水者，为有热，白头翁汤主之。

下利后更烦，按其心下濡者，为虚烦也，栀子豉汤主之。

下利第十八 下利下篇

少阴病，下利，白通汤主之。

少阴病，下利清谷，里寒外热，手足厥逆，脉微欲绝，身反不恶寒，其人面赤色，或腹痛，或干呕，或咽痛，或利止而脉不出，通脉四逆汤主之。

通脉四逆汤方甘草二两，炙，甘平附子大者一枚，生，去皮，破八片，辛温干姜三两，强人可四两，辛温右三味，以水三升，煮取一升二合，去滓，分温再服。其脉即出者，愈。面赤者，加葱白九茎。腹痛者，去葱，加芍药二两。呕者，加生姜二两。咽痛者，去芍药，加桔梗一两。利止脉不出者，去桔梗，加人参二两。病皆与方相应者，乃加减服之。

下利，脉沉而迟，其人面少赤，身有微热，下利清谷，必郁冒汗出而解，其人微厥。所以然者，其面戴阳，下虚故也。

下利清谷，里寒外热，汗出而厥，通脉四逆汤主之。

下利清谷，不可攻其表，汗出必胀满。其脏寒者，当温之。

下利，腹胀满，身体疼痛，先温其里，乃攻其表。温里，宜四逆汤。攻表，宜桂枝汤。

自利不渴者，属太阴，其脏有寒故也，当温之，宜四逆辈。

恶寒，脉微而复利，利止必亡血，四逆加人参汤主之。

四逆加人参汤方四逆汤中加人参一两即是。

下利，脉迟紧，为痛未欲止，当温之。得冷者，满而便肠垢。

下利欲食者，宜就温之。

下利，谷道中痛，当温之以火，宜熬末监熨之。一方炙枳实熨之。

心下悸第二十二 心下悸上篇

太阳病，发其汗，汗出不解，其人发热，心下悸，头眩，身瞤而动，振振欲仆地，属玄武汤。

脉浮数，法当汗出而愈，而下之，则身体重，心悸，不可发其汗，当自汗出而解。

所以然者，尺中脉微，以里虚。须表里实，津液和，即自汗出愈。

心下悸第二十二 心下悸下篇

太阳病，小便利者，以饮水多，必心下悸。小便少者，必苦裏急也。

心下悸者，半夏麻黄丸主之。

半夏麻黄丸方半夏辛平麻黄苦温，等分右二味，末之，炼蜜和丸小豆大，饮服三丸，日三服。

伤寒，厥而心下悸，先治其水，当与茯苓甘草汤，却治其厥。不尔，其水入胃，必利。

茯苓甘草汤方茯苓二两，甘平甘草炙，一两，甘平桂枝二两，辛温生姜三两，辛温右四味，以水四升，煮取二升，去滓，分温三服。

发汗过多以后，其人叉手自冒心，心下悸而欲得按之，属桂枝甘草汤。

桂枝甘草汤方桂枝四两，辛温甘草二两，炙，甘平右二味，以水三升，煮取一升，去滓，顿服即愈。

伤寒二三日，心中悸而烦者，小建中汤主之。

伤寒，脉结代，心动悸，炙甘草汤主之。

炙甘草汤方甘草四两，炙，甘平桂枝辛温生姜辛温，各三两，切麦门冬去心，半升，甘平麻子仁半升，甘平人参甘微寒阿胶甘平，各二两大枣三十枚，擘，甘平生地黄一斤，切，甘寒右九味，以清酒七升，水八升，煮取三升，去滓，内胶消烊尽，温服一升，日三服。

脉按之来缓，时止复来者，名曰结。又脉来动而中止，更来小数，中有还者，反动，名曰结，阴也。脉来动而中止，不能自还，因而复动者，名曰代，阴也。得此脉者，必难治。

发黄第二十八 发黄上篇

太阳病，脉浮而动数，浮则为风，数则为热。动则为痛，数则为虚。头痛，发热，微盗汗出，而反恶寒，其表未解。医反下之，动数则迟，头痛即眩，一作膈内拒痛。胃中空虚，客气动膈，短气，烦躁，心中懊憹。阳气内陷，心下因坚，则为结胸。属大陷胸汤。若不结胸，但头汗出，其余无有，齐颈而还，小便不利，身必发黄，属柴胡栀子汤。柴胡栀子汤方遗未见，疑即大柴胡汤与栀子豉汤二方之合方，如柴胡桂枝汤然。

阳明病，自汗，色赤者，不可攻也。必发热，色黄者，小便不利也。

阳明病，脉迟，食难用饱。饱即发烦，头眩者，有寒食故。必小便难，此欲作谷疸。寒食相搏，在里不解。虽下，其腹必满如故耳。所以然者，脉迟故也。脉迟为寒。

此处寒食相搏，不知是否也该同他处作‘相转’？)伤寒，发其汗，身目为黄。所以然者，寒食相搏，“寒食”，一本作“寒湿”，误。在里不解故也。谷疸。

此处寒食相搏，不知是否也该同他处作‘相转’？)阳明中风，脉弦浮大而短气，腹都满，胁下及心痛，按之不痛，鼻干，不得汗，嗜卧，一身及目悉黄，小便难，有潮热，时时哕，耳前后肿。刺之小差，外不解。

病过十日，脉浮，与小柴胡汤。但浮，无余证，与麻黄汤。不溺，腹满加哕，不治。

伤寒，瘀热在里，身体必黄，麻黄连翘赤小豆汤主之。

麻黄连翘赤小豆汤方麻黄去节，苦温连翘苦平，各一两杏仁三十枚，去皮尖，甘温赤小豆一升，甘平大枣十二枚，擘，甘平生梓白皮切，一斤，苦寒甘草二两，炙，甘平一方生姜二两，切右七味，以水一斗，煮麻黄一二沸，去上沫，内诸药，煮取三升，去滓，温服一升。

发黄第二十八 发黄中篇

太阳中风，以火劫发其汗。邪风被火热，血气流溢，失其常度。两阳相熏灼，其身发黄。阳盛则欲衄，阴虚小便难。阴阳俱虚竭，身体则枯燥，但头汗出，齐颈而还，腹满而微喘，口干咽烂，或不大便，久则谵语，甚则至哕。手足躁扰，循衣摸床。小便利者，其人可治。

阳明病，发热而汗出，此为热越，不能发黄。但头汗出，其身无有，齐颈而还，小便不利，渴饮水浆，此为瘀热在里，身必发黄，属茵陈蒿汤。

茵陈蒿汤方茵陈蒿六两，苦平栀子十四枚，擘，苦寒大黄二两，苦寒右三味，以水一斗二升，先煮茵陈，减六升，内二味，煮取三升，去滓，分温三服。小便当利，溺如皂荚沫状，色正赤。一宿，黄从小便去。

伤寒七八日，身黄如橘，小便不利，少腹微满，属茵陈蒿汤证。

伤寒，身黄，发热者，栀子梔皮汤主之。

栀子梔皮汤方栀子十五枚，擘，苦寒甘草甘平黄梔苦寒，各五分右三味，以水四升，煮取二升，去滓，分温再服。

发黄第二十八 发黄下篇

太阳病，身黄，其脉沉结，少腹坚，小便不利，为无血。小便自利，其人如狂者，血证谛。属抵当汤。

风水皮水黄汗肺胀第三十 风水皮水篇

太阳病，脉浮而紧，法当骨节疼痛，而反不痛，身体反重而酸，其人不渴，汗出即愈，此为风水。恶寒者，此为极虚发汗得之。节。渴而不恶寒者，此为皮水。

节。身肿而冷，状如周痹，胸中窒，不能食，反聚痛，暮躁不眠，此为黄汗，痛在骨节。节。咳而喘，不渴者，此为肺“肺”字原作“脾”，误。胀。其形如肿，发汗即愈。然诸病此者，渴而下利，小便数者，皆不可发汗。

风水，恶风，一身悉肿，脉浮，不渴，续无汗出，一作“续自汗出”。而无大热者，越婢汤主之。

越婢汤方麻黄六两，苦温石膏半斤，辛微寒生姜三两，辛温大枣十五枚，甘平甘草二两，甘平右五味，以水六升，先煮麻黄，去上沫，内诸药，煮取三升，分温三服。恶风者，加附子一枚。炮。风水加术四两。《古今录验》。

皮水之为病，四肢肿，水气在皮肤中，四肢聂聂动者，防己茯苓汤主之。

防己茯苓汤方防己三两，辛平黄耆三两，甘微温桂枝三两，辛温茯苓六两，甘平甘草二两，甘平右五味，以水六升，煮取二升，分温三服。

师曰：诸有水者，腰以下肿，当利小便。腰以上肿，当发汗乃愈。

水之为病，其脉沉小，属少阴。浮则为风，无水，“无”字当衍。虚肿者，为气。

水，发其汗即已。沉者，与附子麻黄汤。浮者，与杏子汤。

附子麻黄汤方麻黄三两，苦温甘草二两，甘平附子一枚，炮，辛温右三味，以水七升，先煮麻黄，去上沫，内诸药，煮取二升半，温服八分，日三服。

杏子汤方未见。恐是麻黄杏仁甘草石膏汤。

问曰：病下利后，渴饮水，小便不利，腹满阴肿者，何也？答曰：此法当病水。

若小便自利及汗出者，自当愈。

夫水病人，目下有卧蚕，面目鲜泽，脉伏，其人消渴，病水腹大，小便不利。其脉沉绝者，有水，可下之。

风水皮水黄汗肺胀第三十 黄汗篇

脉浮而洪，浮则为风，洪则为气。风气相抃，风强则为瘾疹，身体为痒。痒为泄风，久为痂癞。气强则为水，难以俯仰。风气相抃，“抃”，或作“击”，误。

身体洪肿，汗出乃愈，恶风则虚，此为风水。不恶风者，小便不利。“不”，原作“通”，误，今改正。下条之文，即是其证。上焦有寒，其口多涎，此为黄汗。

黄汗之病，两胫自冷。假令发热，此属历节。食已汗出，又身常暮卧盗汗出者，此荣气也。“荣”，一作“劳”。若汗出已，反发热者，久久其身必甲错。发热不止者，必生恶疮。若身重，汗出已辄轻者，久久必身瞶瞶，则胸中痛。又从腰以上必汗出，下无汗，腰髀弛痛，如有物在皮中状。剧者，不能食，身疼重，燥，躁，小便不利，此为黄汗。桂枝加黄耆汤主之。

(@此处并列“燥”、“躁”，足见两证之不同)桂枝加黄耆汤方桂枝三两，辛温芍药三两，苦平甘草二两，甘平生姜三两，辛温大枣十二枚，甘平黄耆二两，甘微温右六味，以水八升，煮取三升，温服一升，须臾，饮热稀粥一升余，以助药力。

温服，取微汗。若不汗更服。

寸口脉沉而弱，沉则主骨，弱则主筋。沉则为肾，弱则为肝。味酸则伤筋，筋伤则缓，名曰泄。碱则伤骨，骨伤则痿，名曰枯。枯泄相抃，名曰断泄。“泄”字当衍。荣气不通，卫不独行，荣卫俱微，三焦无所御，四属断绝。身体羸瘦，独足肿大，黄汗出，胫冷。假令发热，便为历节也。病历节，疼痛不可屈伸，乌头汤主之。

乌头汤方麻黄三两，苦温芍药三两，苦平黄耆三两，甘微温甘草炙川乌辛温，五枚，{口父}咀，以蜜一升，煎取一升，即出乌头。

此处对川乌的用法颇怪，以蜜一升，如何又能煎取一升？可能是蜜加上川乌就超过一升，然后煎煮到一升，再把川乌去掉。所以最后蜜煎应该少于一升。)右五味，{口父}咀四味，以水三升，煮取一升，去滓，内蜜煎中更煎之，服七合。

不知，尽服之。

风水皮水黄汗肺胀第三十 肺胀篇

上气，躁而喘者，属肺胀，欲作风水。发汗则愈。

肺胀，咳而上气，烦躁而喘。脉浮者，心下水，小青龙加石膏汤主之。

小青龙加石膏汤方《千金》证治同，外更加“胁下痛引缺盆”。麻黄二两，苦温芍药二两，苦平桂枝二两，辛温细辛二两，辛温甘草二两，甘平干姜二两，辛温五味子半升，酸温半夏半升，辛平石膏二两，辛微寒右九味，以水一斗，先煮麻黄，去沫，内诸药，煮取三升。强人服一升，羸者减之，日三服。小儿服四合。

咳而上气，此为肺胀，其人喘，目如脱状，脉浮大者，越婢加半夏汤主之。(@与脾胀处相参)越婢加半夏汤方麻黄六两，苦温石膏半斤，辛微寒生姜三两，辛温大枣十五枚，甘平甘草二两，甘平半夏半升，辛平右六味，以水六升，先煮麻黄，去上沫，内诸药，煮取三升。分温三服。

上气，面浮肿，肩息，其脉浮大，不治。又加利尤甚。

伤寒，咳逆上气，其脉散者，死。谓其形损故也。“形”，当为“刑”字之误也。

本篇两个汤方‘小青龙加石膏汤方’与‘越婢加半夏汤方’中的半夏似乎脱了‘洗’字。考全本《伊尹汤液经》小青龙汤方内（方见《可发汗中篇》），半夏为‘半升，洗’，故知其为脱字无疑。而越婢加半夏汤则可能脱字。疑，当考。）

刚痉柔痉项背强第三十二 刚痉柔痉篇

太阳病，发热无汗，而不恶寒者，名刚痉。此条之文，旧与下名柔痉条之文相错。

此文宜为“不恶寒”，误为“恶寒”，下条宜为“恶寒”，误为“不恶寒”。明其为如此，因此条文中所云之“反恶寒”，与上“无汗”之义不合。因无汗当恶寒，不当云“反”故也。又《脉经》及《千金》本，其下条“名柔痉”句下，均有“旧注云：一云恶寒，恶寒为柔痉”。则不恶寒者，必为刚痉也明矣。此必是今本之传钞者，误将此文之“不”字，钞入下条，致下条多一“不”字，此条少一“不”字，遂与旧本乖异，而文义理法，亦因之以不安。今即据此互易正之。

太阳病，发热汗出，而恶寒者，名柔痉。

病者身热足寒，颈项强急，恶寒，时头热，面赤目脉赤，独头动摇者，为痉。

太阳病，热，发其汗，一本“发”字在“热”字上，非。因致痉。刚痉。

痉病，发其汗已，其脉淅淅如蛇，一云“其脉沧大”。暴腹胀大者，为欲解。脉如故，反复弦者，必痉。

太阳病，无汗而小便反少，气上冲胸，口噤不得语，欲作刚痉。刚痉为病，胸满，口噤，卧不着席，脚挛急，其人必齮齿。可与大承气汤。

太阳病，其证备，身体强，几几然，脉反沉迟，此为痉。柔痉。栝蒌桂枝汤主之。

几几，强貌。古代玉几、雕几、漆几，其制皆两端上卷，故以其形容背反张之貌也。

在此本《伊尹汤液经》中，“栝蒌”有时作“栝楼”)栝蒌桂枝汤方栝蒌根二两，苦寒桂枝三两，辛温芍药三两，苦辛甘草二两，甘平生姜三两，辛温大枣十二枚，甘平右六味，以水九升，煮取三升，分温三服，取微汗。汗不出，食顷，啖热粥发之。

太阳病，发热，其脉沉而细者，为痉，为难治，葛根汤主之。“葛根汤主之”句当前条“欲作刚痉”句下，大误。详审之，当在此条下，今移正之。

痉脉，按之筑筑而弦，直上下行。此与下条，论刚痉脉象。

痉家，其脉伏坚，直上下。

夫风病，下之则痉。复发其汗。必拘急。

痉病，有灸疮，难疗。

刚痉柔痉项背强第三十二 项背强篇

太阳病，项背强几几，无汗恶风，属葛根汤。

太阳病，项背强几几，反汗出恶风，属桂枝加葛根汤。

桂枝加葛根汤方葛根四两，甘平芍药二两，甘平甘草二两，炙，甘平生姜三两，切，辛温大枣十二枚，擘，甘平桂枝三两，去皮，辛温右六味，以水一斗，先煮葛根，减二升，内诸药，煮取三升，去滓，温服一升，覆取微似汗，不须啜粥。余如桂枝法。

咽痛第三十三 咽痛上篇

少阴病二三日，咽痛者，可与甘草汤。不差，可与桔梗汤。

甘草汤方甘草二两，甘平右一味，以水三升，煮取一升半，去滓，温服七合，日再服。

桔梗汤方桔梗一大枚，辛微温甘草二两，甘平右二味，以水三升，煮取一升，去滓，分温再服。

少阴病，咽中痛，半夏散及汤主之。

半夏散及汤方半夏洗，辛平桂枝辛温甘草炙，甘平右三味，等分，各异捣，合治之，白饮和服方寸匕，日三服。若不能散服者，以水一升，煮七沸，内散两方寸匕，更煮三沸，下火，令小冷，少少含咽之。半夏有毒，不当散服。

此处最后颇异‘半夏有毒，不当散服’。既是如此，又何必出方半夏散？疑此句为后人注解，非原文入此。疑，当考。)少阴病，咽中伤，生疮，不能语言，声不出，苦酒汤主之。

苦酒汤方鸡子一枚，去黄，内好上苦酒于壳中半夏洗，破如枣核，十四枚，辛平右二味，内半夏着苦酒中，以鸡子壳置刀环中，安火上，令三沸，去滓，少少含咽之。不差，更作三剂愈，伤寒六七日，其人大下后，脉沉迟，手足厥逆，下部脉不至，咽喉不利，唾脓血，泄利不止，为难治。属麻黄升麻汤。

麻黄升麻汤方麻黄去节，二两半，苦温知母十八铢，苦寒萎蕤十八铢，甘平黄芩十八铢，苦平升麻一两六铢，甘苦平，微寒当归一两六铢，甘温芍药苦平桂枝辛温石膏碎，绵裹，辛微寒干姜辛温白术苦温茯苓甘平麦门冬去心，甘平甘草炙，甘平，各六铢右一十四味，以水一斗，先煮麻黄二沸，去上沫，内诸药，煮取三升，去滓，分温三服。一炊间当汗出愈。

咽痛第三十三 咽病下篇

少阴病，下利，咽痛，胸满，心烦，猪肤汤主之。咽痛，即喉痹，上篇言寒喉痹，此篇言温喉痹。温喉痹即白喉症是也。治温喉痹之法，下利者与猪肤汤；其不下利者，以白虎汤加生地、丹皮、玄参为最效。若扁桃腺肿痛不能食饮者，可以锡类散频频吹之。

猪肤汤方猪肤一斤。

右一味，以水一斗，煮取五升，去滓，内白蜜一升，白粉五合，熬香，和令相得，温分六服。

伤寒，喉痹，刺手少阴。少阴在腕，当小指后动脉是也，针入三分补之。